

Na osnovu naredbe Kriznog štaba Federalnog Ministarstva zdravstva broj: 01-33-3510/20 od 12.06.2020. godine, direktor škole donosi sljedeći:

## **KRIZNI PLAN**

### **PRIPRAVNOSTI I ODGOVORA NA POJAVU NOVOG CORONA VIRUSA U JU OŠ „FATIMA GUNIĆ“ SARAJEVO**

Uvažavajući trenutnu epidemiološku situaciju u Bosni i Hercegovini u vezi sa pojavom koronavirusa (COVID-19), te za slučaj sličnih kriznih situacija, a u cilju zaštite života i zdravlja radnika i održavanja kontinuiteta rada Škole, utvrđuju se mjere koje će se provoditi u Školi i koje su dužni primjenjivati radnici Škole.

Uprava Škole će u zavisnosti od daljeg razvoja situacije u vezi sa koronavirusom, donositi i druge odgovarajuće mjere kojim se štiti zdravlje radnika, učenika, roditelja i drugih posjetilaca i imovina Škole.

## **I**

### **NAČIN ŠIRENJA COVID-19**

Kada osoba koja ima COVID-19 kašlje, kiše ili priča, oslobađa respiratorne kapljice. Većina ovih kapljica pada na najbliže površine i predmete kao što su radne površine, stolovi ili telefoni. Ljudi se mogu zaraziti sa COVID-19 dodirivanjem kontaminiranih površina ili predmeta kada nakon toga dodiruju svoje oči, nos, ili usta. Ako stoje unutar jednog metra udaljenosti od osobe koja ima virus COVID-19, mogu se zaraziti udisanjem kapljica koje su izbačene njihovim kašljem, kihanjem ili pričanjem. Većina osoba inficiranih sa COVID-19 ima blago izražene simptome i oporavljaju se. Međutim, u nekim slučajevima oboljenje može biti ozbiljnijeg oblika i zahtjeva bolnički tretman. Starije osobe, i osobe koje imaju oslabljen imuni sustav, kronične bolesti kao što su dijabetes, srčane ili plućne bolesti i dr., podložniji su mogućnosti da dobiju teži oblik ove bolesti

## **II**

### **TIM ZA UPRAVLJANJE KRIZNIM SITUACIJAMA**

Tim za upravljanje kriznim situacijama u JU OŠ „FATIMA GUNIĆ“ SARAJEVO čine:

1. Direktor škole
2. Pedagog škole
3. Pomoćnica direktora škole
4. Sekretar škole
5. Domar škole

### III

#### **POSTUPATI SHODNO NAREDBAMA ZDRAVSTVENIH ORGANA I KRIZNOG ŠTABA**

- Donijeti Odluku o smanjenom radnom vremenu i eventualnom radu od kuće
- Uvesti obavezno distanciranje između radnika
- Donijeti druge odluke koje Krizni štab donese na nivou FBIH
- Redovno pratiti i pridržavati se odluka Kriznog štaba CZ

#### **Zdravstvene mjere:**

Virus se širi sa osobe na osobu kada inficirana osoba kašlje, kiše i kada svojim rukama dira druge stvari koje i drugi koriste. Sljedeće stvari je potrebno uraditi kako bi zaštili sebe i druge:

- Obavezno poštivanje socijalne distance od 2 metra
- Obavezno nošenje maski prilikom ulaska i kretanja kroz školu
- Obavezno mjerenje tjelesne temperature svim radnicima po dolasku u školu
- Obavezan prolazak preko dezobarijeru
- Obavezna dezinfekcija i često pranje ruku toplom vodom i sapunom minimalno 20 sekundi.

#### **Postupanje u slučaju pojave simptoma COVID-19**

##### **Rukovodstvo škole:**

U slučaju da rukovodstvo škole ima bio kakve epidemiološke sumnje ili dileme prilikom realizacije neposrednog odgojno-obrazovnog procesa u vezi sa infekcijom COVID-19, dužni su da kontaktiraju nadležne COVID ambulante na području svoje općine i dobiju smjernice i savjete za rad.

O provedenim mjerama konsultacija sa nadležnim zdravstvenim ustanovama, direktor sačinjava službenu zabilješku. Obaveza je rukovodstva škole da, ukoliko se dese slučajevi infekcija u pojedinim grupama ili kod pojedinih nastavnika, održavaju situaciju mirnom i staloženom, bez širenja panike unutar školske zajednice, da postupaju po epidemiološkim mjerama i smjericama i organizaciono obezbijede nastavak daljnjeg školovanja učenicima koji nisu bili izloženi.

Ukoliko nastavnik/stručni saradnik škole oboli od COVID-19 direktor škole u toku trajanja oporavka angažuje stručnu zamjenu, u slučaju samoizolacije radnika (sumnja na kontakt sa COVID-19) proces rada se prebacuje na online ukoliko je radnik sposoban za rad od kuće.

**Radnici škole:** Ako se osoba osjeća bolesno sa simptomima dok je na poslu, veoma je važno da ista ne nastavlja posao i odmah napušta radno mjesto. Zaražena osoba treba da kontaktira nadležnog porodičnog ljekara/ dom zdravlja kako bi prijavila simptome i testira se, tj. da postupi prema smjericama koje su propisane od strane nadležnih tijela u slučaju pandemije. O nalazima testa obavještava direktora škole i Operativni tim za praćenje implementacije kriznog plana. U slučaju da je zaražen radnik koji neposredno izvodi nastavu to odjeljenje/odjeljenja Odlukom direktora škole prelaze na online nastavu u trajanju od 15 dana. Ukoliko osoba razvije simptome dok nije na poslu, treba postupiti na sljedeći način:

- Ostati kući – izolovati se;
- Ne ići na posao dok se potpuno ne oporavi;
- Kontaktirati nadležni dom zdravlja;
- Informisati svog poslodavca o svom stanju;
- Informisati poslodavca ukoliko je neko od radnika bio u kontaktu sa zaraženom osobom.

#### **Učenici:**

Ukoliko učenik ima simptome koji upućuju na prisustvo COVID-19 virusa, odmah ga izolovati u prostoriju predviđenu za izolaciju. Sa učenikom ostaje radnik škole. Učeniku se mjeri temperatura te se odmah pozivaju roditelji kako bi isti došli po dijete. Škola svakodnevno kontaktira roditelje i interesuje se o zdravstvenom stanju djeteta.

U slučaju pozitivnog COVID-testa, direktor škole donosi Odluku o prelasku na online nastavu za odjeljenje i nastavnika koji predaju tom odjeljenju. Direktor piše službenu zabilješku, obavještava resorno Ministarstvo kao i COVID centar Općine Novi grad.

## **IV**

### **MJERE KOJE PROVODI POSLODAVAC ZA UPRAVLJANJE KRIZNIM SITUACIJAMA**

Primarna akcija treba da se odnosi na važnost brzog djelovanja i samoizolacije osobe sa simptomima. Kada samoizolacija kao takva nije odmah izvodljiva, zaražene osobe trebaju biti u mogućnosti da sprovedu maksimalno gore navedne higijenske principe, nose zaštitnu odjeću, da izbjegavaju bliske kontakte sa drugim kolegama.

#### **Poslodavac treba da osigura slijedeće:**

- Podsjećati radnike na prepoznavanje znakova i simptoma bolesti, min. 2x sedmično;
- Podsjećati na važnost samoizolacije;
- Podsjećati na važnost dobre higijenske prakse;
- Površine koje se često dodiruju se često moraju prati sa sredstvima koja se inače koriste za pranje;
- Gdje je moguće, postaviti dezinfekcione barijere na frekventnim mjestima, na ulazima u prostorije;
- Onemogućiti ulaz posjetiteljima;
- Unaprijediti i pojačati proces čišćenja i održavanja prostorija i opreme;
- Omogućiti dovoljno prostora/razmaka među radnicima i učenicima;
- Na pauzama poštovati pravilo propisane distance;

#### **Revidirati postojeće procedure i uputstva koji se tiču:**

- Higijene uposlenih;
- Higijene i održavanja prostorija i opreme.
- Od velike je važnosti osigurati kontinuiranu dostupnost higijenskih sredstava za osoblje (sapuni, jednokratni ubrusi, maske, rukavice) te odgovarajuće dezinficijense.
- Kroz internu ili eksternu edukaciju važno je osoblju skrenuti pažnju kako se pravilno peru ruke i kako se pravilno dezinficiraju.

### **Organizacijski je potrebno uraditi sljedeće:**

- Kontinuirano komunicirati i raditi na svijesti uposlenih o simptomima i važnosti samoizolacije;
- Promovisati atmosferu takvu da se se oboljele osobe ne osjećaju stigmatizirano te da mogu ići kući dok se ne oporave;
- Razmotriti alternativne metode održavanja sastanaka i sjednica (online, telefonski), te rad od kuće;
- Gdje je moguće, direktni kontakti se trebaju izbjegavati tj. treba se držati propisane distance između kolega, osoblja, posjetitelja i sl;
- Tamo gdje su socijalne interakcije neizbježne, osobe sa simptomima moraju minimizirati bliski kontakt. Ako je kontakt neizbježan, osobe sa simptomima trebaju nositi zaštitne maske;
- Ukoliko se neko od uposlenih vraća sa puta iz zemalja visokog rizika, obavezna je samoizolacija tokom 14 dana.

### **V**

Ukoliko se desi promjena u nastaloj kriznoj situaciji, direktor se obavezuje da prilagodi mjere. Ovaj Plan mjera se dostavlja svim uposlenicima putem Oglasne ploče, i njegov sadržaj će se mijenjati i dopunjavati u zavisnosti od izmjene okolnosti i potrebe postupanja po naredbama i odlukama nadležnih organa entiteta, kantona ili lokalnih zajednica.

Ovaj Plan stupa na snagu danom donošenja.

Broj:04-1-27-SI/20

Sarajevo, 12.06.2020.godine

Direktor škole:

---

Hajrudin Čuprija, prof.